



# Synfocity = 842

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

May 26, 2022

## ☐ **NEICC 79<sup>th</sup> Session**

Northeast India Christian Council (NEICC) Biennial Assembly wawi 79-na chu Covid-19 hripui lęng avangin a hun (2021)-ah neih theih a ni lo va. Hrilęng a lo ziaawm tāk deuh avangin kuminah mi tlem deuh te telna 'Rorel inkhāwm' neih tūra ruahman a ni ta a. Executive Committee member te, Standing Committee member te leh member nih dīl thar aiawhte telna rorel inkhāwm chu May 20, 2022 (Zirtawpni) khān Union Christian College (UCC), Barapani, Meghalaya-ah neih a ni. Assembly tih ni lovin Rorelna (Sessions) tih a ni ta thung. Rorel Inkhawm ṭan hma May 18, 2022 (Nilaini) khān thil ṭūl hmasa Executive Committee leh Nomination Committee member-ten an lo rel a. He Rorel inkhāwm tūra kal hunlai vel hian ruahsūr a nasain lei min leh tuilian a thlen avangin member tam tak an kal theih tāk loh avangin mi 70 bāwr vel chauh an kal thei a ni. Kan Kohhran aṭangin Rev. B. Sāngthanga (Church Union Committee member), Rev. Dr. C. Lalhlira (Theological Committee Convener) leh Pi Lalliantluangi (Christian Home & Stewardship Committee member) leh Dr. T. Vanlaltlani, Executive Committee member te an kal. Union Christian College (UCC)-ah Rorel a ni a, Rorel zawh fel vekah a kharna inkhāwm UCC Chapel-ah neih a ni a. President kal chhuak Rev. Kethozelhou Keiho chuan thuchah a sawi.

Hruaitu thar thlan a ni a, chūng mite chu:

President : Rev. R. Lalnunzira, Baptist Church of Mizoram

Vice Presidents : Rev. S.R. Dhar, KJP Synod Minghi, Bishop IchahakMusahari, BELC

General Secretary : Rev. Dr. Ramęngliana, Manipur Synod

Treasurer : Rev. R.T. Shangdiar, KJP Synod Sepngi

Executive Committee member atān kan kohhran mi Pi Lalliantluangi (Lily Vęng, Aizawl) ruat zingah a tel a. Dr. Lalngākṭhuami (ATC) pawh Theological Committee member atāna ruat zingah a tel bawk. Committee pęng hrang hrang ruatsa bākah member kohhran leh Para-church te aṭanga la inruat belh tur a ni ang. Kum hnih dan Inkhāwmpui (Biennial Assembly) wawi 80-na chu Nagaland-ah kum 2024 khian neih tum a ni a, Nagaland Baptist Kohhranin an thleng ang.

North East India Christian Council (NEICC) hi kum 1937 a din a ni a, India Hmarchhaka (Roman Catholic tih loh) Kohhran hrang hrang leh Kristian Pāwl hrang hrang inthlun khawmna a ni a, tūnah hian kohhran hrang hrang (Church member) 35 leh (Associate member) Kristian pawl hrang hrang (Para Church kan tih mai) 17 an tel a, tun inkhawmpuia tel thar pāwl 3 nen 55 an tling tawh a ni.

## ☐ **United Christian Forum of North East India (UCFNEI) aṭangin Synod Office rawn tlawh**

May 23, 2022 (Thawḥṭanni) khan Roman Catholic Kohhrana Archbishop, Rev. Thomas Menampambil leh Father Tom-te chuan Mizoram Presbyterian Kohhran Synod Office an rawn tlawh. United Christian Forum of North East India (UCFNEI) hminga Assam leh Meghalaya aṭanga lo kal an ni.

Morning Devotion-a an tel zawhin Synod Moderator Rev. Dr. Vanlalngbaka Ralte chu a office-ah an kawm nghal a. UCFNEI hming hian Mizorama Myanmar ralhlante dinhmun leh ṭanpuina kalpui zel dan turte zirchianga rawn kal an ni. Moderator hi Rev. Dr. C. Lalhlira, Ex-Moderator leh Rev. V.L Luaia Hranleh, Executive Secretary ten an ṭawiawm a. UCFNEI aṭanga rawn kalte hi Dr. Lalrinawmi Ralte-in a rawn ṭawiawm bawk.

## ☐ **Synod Mission Board leh ram pawn chet velna**

### ♦ **Mission Orientation programme**

May 25 - 31, 2022 chhung hian Mission Field hrang hranga Field Secretary leh Field Pastor te tan Mission Orientation Programme, Missionary Training College (MTC)-ah neih a ni a, Field Secretary 10 leh Field Pastor 39, an vaiin mi 49 an tel thei. May 25 (Nilaini) zanah Inlawmna leh inhmelhriattirna inkhawm tawi neih a ni a, May 26 - 31 chhungin thupui hrang hrang - Cultural Anthropology Mission, Field Administration, Mission Challenges & Issues, Internet hmanga rawngbawl, Missionary Life & Practical Challenges, Personal Management, Financial Management & Accounts Training, Evangelism & Church Planting, Legal Awareness tih te zir a ni ang a, May 29 (Pathianni)-ah kohhran hrang hrang tlawhin an kal ang.

◆ **Home Mission North**

May 22, 2022 (Pathianni) khan Tholsap Preaching Station-ah ringthar 3 Lal Isua zui turin an inpe.

May 24 - 26, 2022 chhung khan Home Mission North-a Mission School hrang hrang leh Nurse te sum audit a ni a, BEC member ten an audit a ni.

◆ **Lucknow Mission Field**

May 22, 2022 (Pathianni) khan ringthar 2 Lal Isua zui turin an inpe a. May 25, 2022 (Nilaini) khan ringthar 21 Lal Isua zui turin an inpe bawk.

◆ **Odisha Mission Field**

May 15, 2022 (Pathianni) khan ringthar 7 Lal Isua zui turin an inpe.

May 20, 2022 (Zirtawpni) khan Raygada Pastor biala Kosampodar khuaah Volleyball tournament buatsaih a ni a, ringlo khaw 5 aṅging an tel thei a, Pathian thu tawi sawina neih a nih bakah Bible tract engemaw zat sem a ni bawk.

May 20, 2022 (Zirtawpni) zan khan Gillakuta biala Sonadei khuaah film show neih a ni a, he khua hi in 18 vel lek an ni a, Bible tract engemaw zat sem a ni bawk.

◆ **Assam Mission Field**

May 22, 2022 (Pathianni) khan ringthar 4 Lal Isua zui turin an inpe.

◆ **Jharkhand Mission Field**

May 22, 2022 (Pathianni) khan ringthar 1 Lal Isua zui turin a inpe.

□ **Synod Social Front**

◆ May 21 - 22, 2022 chhung khan Champhai khawpuiah beihpui thlak a ni a. Champhai khawpui chhunga kohhran hrang hrang 14 -ah campaign neih a ni.

Champhaia beihpui thlak tur hian Aizawl aṅging campaigner 12 an kal a, Champhai khawpui chhunga Pastor awm te campaigner atan hman nghal an ni bawk. Synod Social Front chuan Kohhran mipuiten rilru dik nei a, kawng dik kan zawh theihna turin zirtirna a kalpui ṭhin a. He beihpui thlaknaah pawh hian kan ram politics siam ṭha tur te, Ruihhlo leh HIV/AIDS do kawng a ṭan la zual tur te, ei leh bara intodelh leh eizawna thianghlim leh tlo nei turin kohhran mipuite zirtirin an fuih a ni. Kohhran hrang hrangah inkhawm ban apiangin campaigner te leh Kohhran Committee te inkawmhonna neih ṭhin a ni bawk a, Kohhran hoten an tuipui hle.

Campaigner te hian May 22, 2022 Pathianni tlai khan Synod Rescue Home, Champhai an tlawh a, Home hmun thar tur leh hma lak mekna te an thlirpui bawk. Synod Rescue Home, Champhai hi Champhai Vengthlang Kohhran Chhanchhuahna In hmang hawhin bul ṭan a ni a, tunah hian seat 15 awmah damlo mipa 18 enkawl mek an ni a.

Kohhranhote inpekna zarah hmun thar lama hma lakna pawhin hma a sawn hle a, Home tan hian Transformer, Rs. 12,00,000/- seng a bun fel a ni tawh a, Tui lakna tur Rs. 2,00,000/- seng a leiverh a ni bawk. Tunah hian Champhai Venglai Kohhranin Chapel tur an sa mek a, Champhai Vengthlang North-in Office, Champhai Vengsang Kohhranin thawktu quarters, Managing Committee hmalaknain Men's Dorm, mi 30 awm theihna tur sak mek a ni bawk. Champhai Kahrawt Kohhranin Director Quarters sa turin hma an la mek a, Champhai Vengthlang Kohhranin Hmeichhe Dorm Seat 10 awm theihna tur an sa dawn a, Champhai Vengthar Kohhranin Staff Quarters 1 sak nan Rs. 5,00,000/- an thawh bawk a, Champhai Vengthlang Bialin Home thar tur panna kawng Black Topping turin hma an la mek bawk.

Bial hrang hrangin kum khat atan budget Rs. 15,00,000/- an insiam ṭhin a, Bial budget aṅging a vaiin Rs. 17,00,000/- hmuh tawh a ni a. Home ṭanpuina atana sum dawn tawh zawng zawng chu (Bial Budget tel lovin) Rs. 10,22,331/- a ni a, hnatlang tha 450 zet sen a ni tawh bawk.

◆ May 21 - 22, 2022 khan Chhiahtlang Bial chhung Kohhran hrang hrangah Career Guidance leh Political Education te, Ruihhlo & HIV/AIDS do leh campaign neih a ni bawk. May 21, 2022 (Inrinni) nileng khan Chhiahtlang Bial KTP buatsaihin career chungchang zirho a ni a, inrinni zan aṅging Bial chhung Kohhran hrang hrangah Social Front Campaign neih chhunzawm niin Political Education te, Ruihhlo leh HIV/AIDS chungchang te leh ei leh bara intodelh chungchangah te campaign neih chhunzawm a ni bawk.

◆ Covid-19 hripui avanga hun engemaw chen hma lakna a ṭhuanawp hnu-ah boruak a lo ziaawm deuh hnu hian Synod Social Front chuan ṭan la thar leh in March - May 2022 chhung hian kohhran 36-ah campaign a nei tawh a. Campaign hi ngawrh taka kalpui zel tum a ni a, June 2022 chhung hian Pastor Bial 4-a kohhran 11-ah campaign neih tura ruahman a ni bawk.

☐ **Kohhran Hmeichhia**

May 26, 2022 (Ningani) hian Mizoram Presbyterian Kohhran Hmeichhe Rorel Inkhawm vawi 11-na chu Mission Veng Kohhran Biak Inah neih a ni.

Rorel Inkhawm hi Inkhawmpui Lian Chairman Pi Sailuti'n a kaihruai a, report hrang hrang General Secretary, Asst. Secretary leh Treasurer report te ngaihthlak a ni. Kum 2021 chhunga Kohhran Hmeichhe dinhmun tlangpui - Bial leh Kohhran mal zawmtu 215, Kohhran leh Branch Church 974, chhungkaw zat 1,15,572, member zat 1,88,060, nitin chhung inkhawm nei zat 75,876, Buhfaiþham tham ziah In zat 1,13,644 an ni. Kum 2021 chhung khan lehkhaw hrang hrang 7 an tichhuak bawk. Tun tumah hian Bial hrang hrang aþanga lut agenda general 14 chhawpchuah a ni a, 2022 - 2023 budget pawh pawm nghal a ni.

☐ **MSSU**

♦ May 21, 2022 (Inrinni) khan Kanan Kohhranah Sunday School zirtirtu training neihpuiin Pu Lalhmunzauva Tlau, Asst. Coordinator leh MSSU Trainer te - Upa Lalrosanga Kawlni leh Upa V. Lalrindika te an kal.

♦ May 27, 2022 (Ningani) zan hian Tuikual North Kohhranah Naupang Sunday School zirtirtu training neihpui turin Pu Lalhmunzauva Tlau, Asst. Coordinator leh T. Upa Lalthanchhunga, Trainer te an kal ang.

♦ May 28, 2022 (Inrinni) hian Venghnuai Kohhranah Naupang Sunday School Zirtirtu training neihpui turin Pu HK Hmingthanzuala, Asst. Coodinator leh MSSU Trainer te - Upa Zohmangaiha leh Upa B. Lalhmunliana te an kal ang a, zanah Upa B. Lalhmunliana'n Pathian thuchah a sawi ang.

☐ **Worship**

May 23 - 26, 2022 chhung khan Vaphai-ah Bial KTP programme-in Solfa Training neih a ni a, he hunah hian Tv. H. Lalþazuala, Music Instructor leh R. Vanramnghaka te an kal.

☐ **Synod Trust**

♦ May 21, 2022 (Inrinni) khan Serchhip-ah FG&CC Counsellor Quarters sak mek enpuiin Pu Lalramenga Royte, JE a kal.

♦ May 24 & 25, 2022 khan Zawlnuam-ah Pastor Quarters sak enpuiin Pu Lalhriatrenga, JE a kal.

♦ May 25 - 31, 2022 chhung hian Lawngtlai, Saiha, Tuithumhnar leh Sangau-ah te Pastor Quarters sak enfiah leh Pass buaipuiin Pu Lalramenga Royte, JE leh Pu K. Lalremruata, OA te an kal.

☐ **Synod Revival**

May 20 - 22, 2022 chhung khan Phunchawng Kohhranah Crusade neih a ni a, speaker Rev. Lalzuithanga a ni. Crusade hi Rangvamual Kohhranah May 27 - 29, 2022 chhungin neih leh a ni ang.

☐ **Campus Ministry**

May 28 & 29, 2022 chhung hian Vanzau Kohhranah Seminar leh Leadership Training nei turin Rev. R. Ramnghinglova, Director; Rev. Rosiamliana Tochwawng, Resource Person leh Upa Lalnunsiamia Khalthang, Committee member te an kal ang.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aþangin hetiang hian chhawmdawlina pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Sairang Dinthar	Damlo	2	Rs. 16,000/-
2.	Phuaibuang	Rialin In a tihchhiat	3	Rs. 9,000/-
3.	N. Diltlang	Damlo	1	Rs. 8,000/-
4.	Hlimen	Damlo	1	Rs. 8,000/-
<b>BELHKHAWM</b>				<b>Rs. 41,000/-</b>

☐ **Hruaina Eng FM Radio :**

**MAY 27, 2022 (Zirtawpni) (FM Zoawi - Aizawl & Lunglei @ 7:30 p.m.):**

**Solo** : Melody Zothansangi - Baal hmaa þingþhi ngailo

**Zaipawl** : Kahrawt Bial Zaipawl - Chanchin Þha

**Thusawi** : Upa F. Lalenghluna - Nu leh pa thuawih

**Solo** : Henry Lalliansanga Varte - I hmangaih ropui chu

**Zaipawl** : Chhinga Veng Zaipawl - Hmangaihna in nuamlo

- ❑ **Susamachar Prasaran Programme :**  
**MAY 29, 2022 (Pathianni) 5:00 pm. :**  
*Group/Choir/Solo* : Khatla South Female Voice - Shukrya  
*Group/Choir/Solo* : Chanmari West - Yesu Mere  
*Sermon* : Lalhruiatluanga - Isu Kaun hai  
*Group/Choir/Solo* : P.C Lianhmingthanga - Sahara  
*Group/Choir/Solo* : Zotlang - Sara Zaha

❑ **Moderator leh Executive Secretary-te Programme:**

**Rev. Dr. Vanlalnghaka Ralte : Moderator**

May 29, 2022 Pastor Induction Service, Chawngte 'P'

June 1, 2022 OM

**Rev. C. Zoramawia : Senior Executive Secretary**

Damlohna avangin In lamah enkawl a ni.

**Rev. V.L. Luaia Hranleh : Executive Secretary**

May 30, 2022 Child Evangelism committee & SL&PB BEC committee  
 FG&CC Programme (Zan)

May 31, 2022 SEC Sub committee & Presbyterian Hmeichhe Hostel interview

June 1, 2022 OM

June 2 & 3, 2022 John Williams Hospital committee, Lunglei

**Rev. Dr. K. Lallawmzuala : Executive Secretary**

May 24 - 26, 2022 PCI Working committee, Shillong

June 1, 2022 OM

**SYNOD LAY WORKERS FELLOWSHIP (SLWF)**

**Annual General Meeting Vawi 46-na (Lay Day)**

**PROGRAMME**

A hmun : Aizawl Theological College, A hun : May 27, 2022 (Zirtawpni)

Registration : Dar 10 a.m aţangin

**Chawhma Hun : HUN URHSUN (11:00AM)**

Hruaitu : Upa Vanlalawma, Vice Chairman, SLWF

Tantu : Pu S.R Lalnunsanga, PRESCOM

Reports : 1. Secretary, SLWF  
 2. Treasurer, SLWF

Lay Day Address : Rev. Dr. Vanlalnghaka Ralte, Moderator, Mizoram Synod

Ngaihhraina hlantu : Pu R. Lalnuntluanga, Coordinator, Synod Office  
 Pi Vanlaldiki, Asst. Superintendent, Synod Office  
 Pi C. Lalrosangi, ANS, Synod Hospital

Hruaitu thar hlanna : Upa Lalrinmuana, Coordinator, Synod Hospital

Member thi te Sunna : Chairman

Banna : Chairman

**Chawhnu Hun : HUN HLIMAWM (1:30pm)**

Hruaitu : Upa Lalţahluna Ralte, Fin. Secretary, SLWF

Kal ţa lawmman hlantu : Upa Dr. Lalbiaksanga Hnamte, Asst. Secretary

Lay day Charity Fund

hlantu : Upa Thangliankhuma, Treasurer, SLWF

Special Item : Dept. tin aţangin pakhat ţeuh

**RUAI - RUAI - RUAI**